



SERHATÎ JI FOLKLORÊ KURDÎ



Merwan Şêx Hesên

Dibêjin Mihê Şemdîn xortekî ciwan û sipehî bû, mêrxwas, jîr û celeng bû, baş bazerganekî bi nav û deng bû, ji kurdê êzdî bû ji eşîra Şerqiya bû. Rojekê li navbera, heval û hogirên xwe, xwe li kar amede kirin herine ticaretê û karwan bi rê ket. Li demekê gihan nêzîkî çemê Palwê û dîtîni keçikek. Ya maşalah!... qey tu dibêjî periyêke asmaniye, hewa tab husin û cemalê û ciwan sibehî wa belavê dike û cilan dişo li rexa çem. Mihê Şemdîn bi ciwaniya wê ecêb girtî ma û bi dîtina wê ra. Lê Mihê Şemdîn, keça hewa ya hêja digote hevalên xwe yê karwanî, “ez niha dikarim wesa bikim, ku ev keçik bi dû min bikeve.” Hevalan digotê: “Ev tişt nîne, ne tu dinasî

û ne tu dizanî ji çî dîniye û ji çî eşîretêye wê çawa bi rex tekeve?”

Mihê got; “başê guhên xwe bidine dengê min, çavên we li me be” Dibêjin karwanî, hemû rawistiyan. Mihê pêşberê wê sekinî û bendek stiran havête ser keçikê û demê benda stiranê wê kir, wê jî bendek havête ser Mihê û bendek ji wê û yek ji wî, heta yek û du hev nas kirin û hez hev kirin. Evîna Mihê Şemdîn jî kete dilê Xezala Mîrê Palwê û digote Mihê lazime tu min ji xwe re birevînî û bibî.

Mihê ji xwe ra digot: “Ya rebî zewaca min û xezala ya herame û bi kêr nayê û tu car nabe, pa ezê çî bikim?” Mihê di van gomanên kûr da û digot lazime ez xwe jê xelas bikem çawa be û digote Xezalê, “başê êvarî û piştî şîva, kar û barê xwe bike û serkeve ser qesra babê xwe û ezê li vê derê agirekî hilkim û ev agir jivana min û te be, hingê tê werê û ez jî çepelê te bigirim û birevînim.” Gelek kêfa Xezalê hat û paşê Xezal hate malê û kete hizir û texmîniyan. Tarî kete erdê û Mihê jî hezar hizir û bîr kirin, wî wesa li bextê Xezalê kir. Demê tarî kete erdê Mihê li cihê jivanê kir û xezala serkete ser banê qesra babê xwe û demê çavê wê bi agir ket ji kêfa da dest havête bo xicka ra hela xwe û bi ber çemê Palwê ket. Demê Mihê zanî ku Xezala nêzîk bû deng li karwanê xwe kir û got: Bajon berê Xezal were eve we dê xwe min ba çî anî ku min jivan dayê û min agir hilkir lê ez nizanim û karwan bi rêket û çû.

Xezal jî berê ve wa hizir dike ku wî niha bigihe lawkê xwe û ji kêfa da tiranîbo çilo giheşte agirî hilkirî li cemê Palwê, demê giheşt çû kes li



wê derne wê tenê agirekî hilkirî û Xezal gelek aciz bû û boşmanî wê çendê bû demê Mihê Şemdîn bendên sitiranê digotin û ewî cewaba wî dayî û cawwa keça mîrî Palwî bi rex xwe-rekî bikeve li vê şeqê, aqil û sewda di serî da nema û li pê karwenekî keve. dibêjin Xezal mecbûr bû û berê xwe da mala dostekî babê xwe, dighe mala wan û digotin ez êdî ne dûrim herim mala û mesela min jî eve ye (serhatiya xwe û Mihê jî jê ra got) dostê babê wî ra bû qestek şande cem babê wê û jêre got: Demê babê Xezalê qesta keça xwe zanî, gelek haciz bû û gelek şerm kir û li ber xwe ket û nizanibû çî bike, digote qasidê: bêje filan kes (dostê wî) ew êca wesa kirî êdî li mala min vegeer mala min hera me heta ya saxe hema bila ew û li xwe mehir bike. Demê qasid ji wê û gotinê babê Xezalê hemî got û ji ber Xezal, hingê ya hêja û berketî bû ewî dostê babê wî Xezal li xwe mehir kir û bû ber maliya wî...

* Bi stran eve:

Bêje wey lê êêêê lê belê lê wey-lê weylê ê weylê weylê lê weylê

* Xezalê mîr me jê ezê duakê bikim, tu bêjî alah û amîne

dinya milkê xwe dê bibe,

dinya milkê reb alemîne

hege tuyê bi çembî ezê bi pîrbim

Tuyê bi cîbî, ezê bi gorbim,

tuyê darbî ezê darbirbim,

tuyê seryek penêr koçerabî, li sûka ez im

Diyarbekira şewitî tîcareka mala zorî malzafbim

ezê te ji nefsa canê xwe re bim,

ez bi xwe bikir bim.

De lê lê weylê êê Xezalê.

De lê lê weylê êê lê mîre jê.

* Bêje lolooo.....

Xezalê bankirî: Peyawo çûyî karwaniyo çemê Palwê bişewitê çemekî bi biye, evan biya ser bejan min û te da girtiba siye, ez zanim kolozê te çiyê, ez nizanim gotin û galûgalê te ji bo çiyê?.

Ezê rabim li karwanê mala babê xwe bikim qêrîn û qutîn û gazî ye,

hezar û hefte sed çeqmaqê mosilkanî wê derkevin ji quntarên çiya ê te bikujin karwanê te bormîş bikin belê ji malbata babê min re bêçekê şerme û kêmayî ye,

De lo lo wey lo lo peyawo

De lo lo wey lo lo karwaniyo

Mihê gazî kirê:

Bêje lê wey lê êê lê wey lêê wey lê lê wey lê

Xezalê mîrmezê çemê palwê bişewitê çemeka ber bi riye,

teter û başivon û bazirgan pêda diçin û pêda têne û ez nizanim tu keça çeqalekî, ne tu keça beqalekî ne tu keça helawfiroşî , ez nizanim esl û fêslê te ji kî derê ye.

De lê lê wey lê êêê lê Xezalê

De lê lê wey lê êêê mîrmezê.

* Bêje lo wey loo lo wey lo wey lo wey lo wey lo

Xezalê bankir: peyawo deve çû, karwan çû

serê min bi dora serê te geryawo çemê palwê bişewitê çemeka bi riye teter û başvon û bazirgan pêda diçin û pêda têne ye,



xwazî ji xêra xwedê ra min
zanîba esil û fêslê te teyê ji kê de-
riyê ye.

De lo lo wey lo lo peyawo
De lo lo wey lo lo karwaniyo

* Mihê bêje lê; Lê wey lê lê
wey lê ê lê wey lê

Xezalê mîrmezê her deme xweş
her deme vî feratî leme leme

kew şêrîne tîne berê çeme
mêkew vêra xwe da bû rex çeme
hege tu pîrs û suala esil û fêslê
min kê

ez Mihê Şemdîn im, ez delalê
hezar heft sed malê êzdiya me, ez
bi xwe me

De lê lê wey lê ê lê Xezalê
De lê lê wey lêêê lê mîrmezê

* Bêje lo wey looo lo wey loo
lo wey lo wey lo wey lo

Peyawo deve çû, karwan çûyo
ser min bi dora serê te geryawo

çemê palwê bişewite çemeka bi
kendale, van kendala bi serî min te
da nale nale,

peywo hege tu pîrs û suala esil û
fêslê min dikî, ez Xezala keça mîrê
palwê me bi keçkanî navê zilxik bû
ji rûmeta bab û dayka min navê
min kirine têlî zelîxan babê min hu-
kim fikir li hezar û heft sed mala

De lo lo wey lo lo wey lo lo pey-
awo

De lo lo wey lo lo lo karwaniyo

* Bêje lê wey lêêê lê wey lê wey
lêê wey lê lê wey lê

Mihê bankirê Xezalê mîrmezê
çemê Palwê bişewite çemeka ba-
cane

va bacana ser bejna min û te şax
vedane feşîrek şerqiya bi me reyê
dibêjê çavê şîn sipî nabe

kurkê êzdiye keç misliman e
de lê lê wey lê ê lê Xezalê
de lê lê wey lê ê lê mîrmezê.

* Xezalê ban kir

Lo wey lo lo wey lo lo wey lo
wey lo wey lo...

Çemê Palwê bişewite çemeka bi
kaşe

ku ne ev reh leve du dest rehlî
min dî li halin,

heft salê tamam babê min li yek
wek te digeriya, hege tu çû li ser
cila babê min rûništa wî min etayî
te bike belaş

De lo lo wey lo lo peyawo
de lo lo wey lo lo karwaniyo

* Mihê ban kir lê wey lêêê lê
wey lê wey lêêê wey lê...

Xezalê mîrmezê çemê Palwê
bişewite çemek ber ye

serê quranê elf û bêye min ku
belkê aqlê te civite qeyînetare lew-
kekî cemala nikare

hilîne ji erdê, min nizanî aqlê te
ke reng firî biharîye ke befre li ber
pêye, ku ez ne Mihê Şemdîn im û
ez xulamê Mihê Şemdîn im tu de-
zyekî ji dewa ebayê Mihê bigrê
heft pîne

Wê vêkra bikivin erdê ye,
de lê lê wey lêêê lê Xezalê
de lê lê wey lêêê lê mîrmezê.

* Ev serhatî û stiran ji devê sti-
ranbêjê bi nav û dengê çiyayê Şingalê
Feqîr Xidir wergirtiye û çawa gotiye
min wesa li qelem daye.